



Mónica González Pavón, vicesecretària-interventora deth Conselh Generau d'Aran.

CERTIFIQUI:

Qu'eth Conselh de Govèrn, en session ordinària de 15 de junh de 2026 adoptèc, entre d'auti, er acòrd següent e que transcrit literaument ditz:

“2au.- APROBACION, SE PROCEDÍS, DETH PLEC DE CLAUSULES ADMINSTRATIVES PARTICULARES, DER EXPEDIENT DE CONTRACTACION E DERA LICITACION DETH SERVICI DE REDACCION DE 2 PROJÈCTES D'ORDENACION FORESTAU DES FOREST D'UTILITAT PUBLICA (254 - DESÈRTS E CUVEISHIC E 283 - PALES DE SÒTO).- (Exp. num. 3085-0004/2026)

Vista era memòria justificativa deth servici deth conselhèr de Territòri, Paisatge e Cambi Climatic deth Conselh Generau d'Aran, ena quau se da compde deth besonh de realizar eth contracte des servicis de “Redaccion des Projèctes d'Ordenacion Forestau des Forests d'Utilitat Publica 254 Desèrts e Cuveishic i 283 Pales de Sòto” pes motius següents:

1. Eth CGA à de portar a termini, d'acòrd damb es compromisi pressupostaris adquirits en tot éster soci beneficiari deth projecte finançat pera DGBBD, e d'acòrd damb era “Accion A2” deth nomenat projècte, era contractacion extèrna deth servici de redaccion de 2 projèctes d'ordenacion damb metodologia innovadora. Es forests objècte des diferents projèctes d'ordenacion son es següents:
 - Forest Desèrts e Cuveishic de l'EMD d'Arròs e Vila amb una superfícia de 2.487 ha.
 - Forest Pales de Sòto CUP L-283 de l'EMD de Betren amb una superfícia de 611 ha.
2. En vertut deth convèni de delegacion de competències forestaus en favor del CGA, es proprietaris des forests nomenades e que son objècte deth present servici an signat eth nomenat convèni e, per tant, ei eth CGA mejançant era Comission Forestau qui a de promoir era planificacion forestau com eirina principau entà dinamizar era gestion forestau sostenible en ambit d'Aran.
3. A nivèu tecnic, ei de besonh, damb era finalitat de dinamizar era gestion forestau sostenible e auer ua planificacion temporau des actoacions forestaus a realizar en marc des forests d'utilitat publica d'Aran, er augment dera superfícia forestau ordenada mejançant insturments d'ordenacion. Aquesta premissa, correspon ath besonh d'incrementar era superfícia forestau ordenada auent en compde qu'en Aran sonque ei ordenada un 32% dera superfícia d'utilitat publica, e atau, ei ua prioritat dera administracion forestau promòir era planificacion.

Vist eth Decret de Sindicatura num. 0308/2026 de 10 de junh en quau se demane informe per part dera Secretaria Generau e dera Intervencion de Hons.

Vist er informe favorable, damb observacions, dera vicesecretaria-interventora.





Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament deth servici a contractar ei previst ena aplicacion pressupostària num. 2026/01.170.227.06 deth pressupòst generau vigent entar exercici 2026.

Cossent damb çò que dispausen es articles 17, 25, 28, 116, 117, 118.1, 122, 156 e Disposicion adicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govern aprovar eth Plec de clausules administratives particulars, er expedient de contractacion atau coma era licitacion simultanèa des òbres nomentades, en tot tier en compde qu'era adopcion d'aguest acòrd ei competència deth Conselh de Govern, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govern *acòrde per unanimitat* des tres (3) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars qu'a de regir era contractacion deth servici de "*Redaccion des Projèctes d'Ordenacion Forestau des Forests d'Utilitat Publica 254 Desèrts e Cuveishic i 283 Pales de Sòto*", plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau de quaranta cinc mil euros (45.000,00 €) IVA includit, damb eth desglossament següent:

- Lòt 1. Vint-e-nau mil ueit cents cinquanta cinc euros damb trenta centims (29.855,30 €) de pressupòst net e sies mil dus cents seishanta nau euros damb seishanta un centims (6.269,61 €) en concèpte d'IVA
- Lòt 2. Sèt mil tres cents trenta quate euros damb setanta sèt centims (7.334,77 €) de pressupòst net e mil cinc cents quaranta euros damb trenta centims (1.540,30 €) en concèpte d'IVA

Era vigència d'aguest contracte s'establís enquiath 15 de deseme de 2026

Dusau.- Aprovar er expedient entara contractacion des servicis de "*Redaccion des Projèctes d'Ordenacion Forestau des Forests d'Utilitat Publica 254 Desèrts e Cuveishic i 283 Pales de Sòto*" mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion adicionau tresau dera LCSP.

Tresau.- Dispausar era dubertura deth procediment dubèrt simplificat de contractacion, en tot procedir ara publicacion der anonci de licitacion en perfil deth contractant e daurir



en aquest moment eth tèrme de quinze (15) dies naturaus entara presentacion d'aufèrtes, cossent damb çò que dispause er article 159.3 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatz deth sindic accidentau.

Vielha, signat electronicament

Vist e platz
Eth sindic accidentau

Francisco Bruna Capel